



জমি / বাড়ি / ফ্ল্যাট / দোকান /  
গ্যারেজ / অফিস - "কিনতে"  
অথবা "বিক্রি" করতে চাইলে  
যোগাযোগ করুন - 9062867921

# এই যুগ

## EI YUG

হলি ডে  
হোম বুকিং



পশ্চিমবঙ্গ সহ ভিন রাজ্যে দর্শনীয়  
ভ্রমণের জায়গায় "হোটেল,  
রিসোর্ট, হোম স্টেট, বাগান বাড়ি"  
সহজেই বুকিং করতে যোগাযোগ  
করুন "এই যুগ" অফিসে।  
ফোন নং : ৯০৬২৮৬৭৯২১

ইন্টারনেট সংস্করণ- eijug.in RNI: WBBEN/2020/81746

PAGE | পৃষ্ঠা- 4 [PRICE | মূল্য - 2]

HOWRAH | হাওড়া ● DAILY | দৈনিক ● 28 SEPTEMBER 2025, SUNDAY | ২৮ সেপ্টেম্বর ২০২৫, রবিবার ● VOLUME | বর্ষ-5 ● ISSUE | সংখ্যা-407

### দুর্গা পূজোর ছুটি



সকল "এই যুগ"  
সংবাদপত্রের কর্মী  
থেকে শুরু করে  
পাঠক-পাঠিকা সহ  
শুভানুধ্যায়ীদের "দুর্গা  
পূজোর" শুভেচ্ছা।  
আগামীকাল  
২৯.৯.২৫ সোমবার  
থেকে ০২.১০.২৫  
বৃহস্পতিবার তারিখ  
পর্যন্ত "দুর্গা পূজো"  
উপলক্ষে অফিস বন্ধ  
থাকবে। দৈনিক "এই  
যুগ" সংবাদপত্র  
০৪/১০/২৫ শনিবার  
সকাল থেকে  
আবারও প্রকাশ হবে।

### ট্রেন চালকদ্বয়ের তৎপরতায় দুর্ঘটনা থেকে প্রানে বাঁচলো দুটি হাতি সহ একটি শাবক



নিজস্ব সংবাদদাতা, এই যুগ, জলপাইগুড়ি, ২৭  
সেপ্টেম্বর : ডুয়ার্সের ঘন জঙ্গলের বুক চিরে চলে যাওয়া  
রেল লাইন ধরে শুক্রবার সন্ধ্যা ছয়টা পঞ্চাশ মিনিট  
নাগাদ ছুটছিলো ডাউন ১৩১৫০ কাঞ্চনকন্যা এক্সপ্রেস।  
ট্রেনটি তখন নাগরাকাটা ও চালসা স্টেশনের মাঝামাঝি  
তখন ট্রেনের চালক সুজিত কুমার সিং ও সহকারী চালক  
রঞ্জিত কুমারের নজরে আসে রেল লাইনে ৬৮/৯-৫ নম্বর  
পিলারের কাছাকাছি রেল লাইন ধরে হেঁটে চলেছে দুটি  
হাতি ও একটি শাবক। রেল লাইনে হাতি দুটি ও শাবককে  
দেখে পরিস্থিতি উপলব্ধি করে চালক ও সহকারী চালক  
ইমার্জেন্সি ব্রেক কষে ট্রেন থামিয়ে দেন। হাতি দুটি ও  
শাবকটি লাইন ধরে বেশ কিছুদূর হেঁটে গিয়ে জঙ্গলে  
চুকে যায়। পরে চালক ও সহকারী চালক ফের ট্রেন চালু  
করে পরবর্তী গন্তব্যের উদ্দেশ্যে রওনা হয়ে যান। উল্লেখ্য  
গত বুধবার রাতে কাঞ্চনকন্যা এক্সপ্রেস ট্রেনের ধাক্কায়  
এই লাইনের মংপং এ একটি হাতির মৃত্যু ঘটেছিলো।  
এদিন চালকদের তৎপরতায় শাবক সহ দুটি হাতির প্রান  
রক্ষা পাওয়ায় সকলে চালকদের প্রশংসায় পঞ্চমুখ।

### উত্তরবঙ্গ মেডিক্যাল কলেজ ও হাসপাতালের সুপারকে স্মারকলিপি দিলেন বিধায়ক



নিজস্ব সংবাদদাতা, এই যুগ, শিলিগুড়ি, ২৭ সেপ্টেম্বর : উত্তরবঙ্গ মেডিক্যাল কলেজ ও  
হাসপাতালের বেহাল চিকিৎসা পরিষেবা নিয়ে শনিবার হাসপাতাল সুপারকে  
স্মারকলিপি দিলেন শিলিগুড়ির বিধায়ক ডক্টর শঙ্কর ঘোষ। তিনি জানান উত্তরবঙ্গের  
মানুষের চিকিৎসার জন্য অত্যন্ত গুরুত্বপূর্ণ এই মেডিক্যাল কলেজ ও হাসপাতালের  
চিকিৎসা পরিষেবা দিন দিন বেহাল হয়ে পড়েছে। রুগী পরিষেবার হাল খুব খারাপ। এই  
হাসপাতালে নেই হৃদরোগের চিকিৎসা পরিষেবা। নিউরোলজি বিভাগ চলছে অস্থায়ী  
চিকিৎসক দিয়ে। এখানে প্যাথলজিকাল ল্যাব রয়েছে কিন্তু তার পরিষেবাও খুব  
খারাপ। যে সমস্ত রুগীরা এখানে প্যাথলজিকাল পরীক্ষা করতে আসেন তাদের বেশীর  
ভাগ রুগীকে বাইরে থেকে প্যাথলজিকাল পরীক্ষা করতে বলা হয় বলে অভিযোগ  
বিধায়কের। এদিন তিনি রুগী কল্যান সমিতির চেয়ারম্যান এর ও কঠোর সমালোচনা  
করেন। চিকিৎসা পরিষেবার দ্রুত উন্নয়ন ঘটানো, বিভিন্ন বিভাগে চিকিৎসক ও কর্মী  
নিয়োগ সহ একগুচ্ছ দাবি জানিয়ে সুপারকে স্মারকলিপি প্রদান করা হয়। স্মারকলিপি  
গ্রহণ করে সুপার জানান দাবিগুলো বিবেচনার জন্য তিনি স্মারকলিপিটি উর্ধ্বতন  
কর্তৃপক্ষের নিকট পাঠিয়ে দেবেন।

## হলি ডে হোম বুকিং

পশ্চিমবঙ্গ সহ ভিন রাজ্যের বিভিন্ন দর্শনীয়  
ভ্রমণের জায়গায় "হোটেল, রিসোর্ট,  
হোম স্টেট, বাগান বাড়ি" সহজেই বুকিং করতে  
যোগাযোগ করুন "এই যুগ" অফিসে।  
ফোন নং : ৯০৬২৮৬৭৯২১।

# বাইক দুর্ঘটনায় মৃত্যু এক যুবকের



মলয় দেবনাথ ,এই যুগ ,আলিপুরদুয়ার, ২৭ সেপ্টেম্বর : বাইক দুর্ঘটনায় মৃত্যু হয়েছে এক যুবকের এমনটাই জানা গেছে শামুকতলা থানার পুলিশ সূত্রে শনিবার বেলা ১১টা নাগাদ। কামাখ্যাগুড়ি থেকে আলিপুরদুয়ার যাওয়ার পথে ৩১ নম্বর জাতীয় সড়কের চালতা তলা এলাকায় শুক্রবার গভীর রাতে বাইক দুর্ঘটনায় পড়েন পঙ্কজ দাস। রাতেই তাকে যশোডাঙ্গা গ্রামীণ হাসপাতালে নিয়ে আসার পর চিকিৎসক তাকে মৃত বলে ঘোষণা করে। তার বাড়ি উত্তর ভেলুরডাবড়ী এলাকায়। তার বয়স ত্রিশ বছর। ওই যুবক রাজমিস্ত্রি কাজ করতেন। তার মৃত্যুতে শোকসন্ত্রন হয়ে গেছে এলাকা। ময়নাতদন্তের পর মৃতদেহ পরিবারের হাতে তুলে দেওয়া হয়েছে।

## উদ্ধার আশ্রয়সহ গুলি, গ্রেপ্তার এক



নিজস্ব সংবাদদাতা, এই যুগ, কোচবিহার, ২৭ সেপ্টেম্বর : কোচবিহার জেলা পুলিশের কোতোয়ালি থানার পুলিশ গোপন সূত্রে পাওয়া খবরের ভিত্তিতে শুক্রবার রাতে থানা এলাকায় অভিযান চালিয়ে এক ব্যক্তিকে আটক করে তল্লাশী চালায়। তল্লাশীতে আটক ব্যক্তির হেফাজত থেকে উদ্ধার হয় একটি দেশী আশ্রয়সহ তিনটি তাজা গুলি। উদ্ধার করা সামগ্রী বাজেয়াপ্ত করে আটক ব্যক্তিকে গ্রেপ্তার করা হয়। ধূতের বিরুদ্ধে নির্দিষ্ট আইনধারায় মামলা রুজু করে শনিবার আদালতে পেশ করা হয়েছে। পুলিশ পরবর্তী পর্যায়ের তদন্ত শুরু করেছে।

# সেবা পক্ষকাল উপলক্ষে বৃক্ষরোপণ কর্মসূচিতে বিধায়ক



সুকুমার রঞ্জন সরকার, এই যুগ, আলিপুরদুয়ার, ২৭ সেপ্টেম্বর : প্রধানমন্ত্রী নরেন্দ্র মোদীর জন্মদিন উপলক্ষে দেশ জুড়ে পালিত হচ্ছে সেবা পক্ষকাল। সেবা পক্ষ কালকে কেন্দ্র করে শনিবার আলিপুরদুয়ার জেলার কুমারগ্রাম বিধানসভা কেন্দ্রের বিজেপির তিন নম্বর মন্ডল কমিটির উদ্যোগে আয়োজিত হয় বারোবিশার বিভিন্ন এলাকায় বৃক্ষরোপণ কর্মসূচি। এদিনের কর্মসূচিতে উপস্থিত ছিলেন কুমারগ্রামের বিধায়ক মনোজ কুমার ওঁরাও, বিজেপির আলিপুরদুয়ার জেলা সম্পাদক বিপ্লব দাস, কুমারগ্রাম বিধানসভা এলাকার কনভেনর বিজয় বড়ুয়া সহ এলাকার দলীয় কর্মী সমর্থকরা। বিধায়ক মনোজ কুমার ওঁরাও জানান পরিবেশ রক্ষায় গাছের ভূমিকা অত্যন্ত গুরুত্বপূর্ণ। এদিন বৃক্ষরোপণের মাধ্যমে আরো বেশী করে গাছ লাগানোর জন্য সকলকে বার্তা দেওয়া হয়।

জমি / বাড়ি / ফ্ল্যাট/ দোকান / গ্যারেজ /  
অফিস - কিনতে অথবা বিক্রি করতে চাইলে  
যোগাযোগ করুন - 9062867921

সঠিক দামে  
নিজের স্বপ্ন পূরণ



# আগ্নেয়াস্ত্র সহ গ্রেতার দুই

# নাবালিকার বিয়ে বন্ধ করল পুলিশ



নিজস্ব সংবাদদাতা, এই যুগ, মুর্শিদাবাদ, ২৭ সেপ্টেম্বর : মুর্শিদাবাদ জেলা পুলিশের জলঙ্গী থানার পুলিশ গোপন সূত্রে পাওয়া খবরের ভিত্তিতে শনিবার থানা এলাকায় অভিযান চালিয়ে দুই জনকে আটক করে তল্লাশী চালায়। তল্লাশীতে আটক দুজনের হেফাজত থেকে উদ্ধার হয় একটি আগ্নেয়াস্ত্র, একটি ম্যাগাজিন ও চার রাউন্ড গুলি। উদ্ধার করা সামগ্রী বাজেয়াপ্ত করে আটক ব্যক্তিদের গ্রেপ্তার করে পুলিশ। ধৃত দুজনের বিরুদ্ধে নির্দিষ্ট আইনী ধারায় মামলা রুজু করে আদালতে পেশ করা হয়েছে। পুলিশ পরবর্তী পর্যায়ের তদন্ত শুরু করেছে।

মলয় দেবনাথ ,এই যুগ ,আলিপুরদুয়ার ,২৭ সেপ্টেম্বর : নাবালিকার বিয়ে রোধ করল শামুকতলা রোড ফাঁড়ির পুলিশ। নাবালিকাকে CWC এর হাতে তুলে দিল রোড ফাঁড়ির পুলিশ এমনটাই জানা গেছে শনিবার বিকেল ছটা নাগাদ। কোচবিহার জেলা থেকে এক নাবালিকা কে তুলে এনে চেপানি এলাকায় বিয়ের ব্যবস্থা করেছিল প্রেমিকের বাড়ির পক্ষ থেকে। বিষয়টি নজরে আসে পুলিশের এরপরই পুলিশ গিয়ে নাবালিকা পাত্রীকে তুলে নিয়ে আসে। শনিবার নাবালিকা পাত্রীকে সি ডাব্লু সি-র কর্মকর্তাদের হাতে তুলে দেয় পুলিশ।

# হলি ডে হোম বুকিং



পশ্চিমবঙ্গ সহ ভিন রাজ্যের বিভিন্ন দর্শনীয় ভ্রমণের জায়গায়  
হোটেল,রিসোর্ট,হোম স্টে সহজেই বুকিং করতে যোগাযোগ  
করুন “এই যুগ” অফিসে । ফোন নং : ৯০৬২৮৬৭৯২১ ।